

١٤- (في لحظة!) الذنب يحصل ، برغم كنت تعتقد نفسي أقوى من اني أذنب الذنب ده ..إيه اللي يحصل؟!
أحمي نفسي إزاي؟

كل إنسان موجود جواه الفجور والتقوى ..

(فَأَلْهَمَهَا فُجُورَهَا وَتَقْوَاهَا . قَدْ أَفْلَحَ مَنْ زَكَّاهَا . وَقَدْ خَابَ مَنْ دَسَّاهَا)

الفجور مركزيته : هوى النفس فقط

والتقوى مركزيتها : هوى النفس بمنهجية الله

(وَمَنْ أَضَلُّ مِمَّنِ اتَّبَعَ هَوَاهُ بِغَيْرِ هُدًى مِنَ اللَّهِ)

وفي نفس الوقت ..

(خُلِقَ الْإِنْسَانُ ضَعِيفًا)

فطول الوقت جواك صراع بين الفجور والتقوى ..

إزاي التقوى دايمًا تغلب ، ومنتفاجئش بضعفك ، وبذنوب

متخيلش إنها تطلع منك !؟

بتزكيتها طول الوقت ..

إزاي؟

الطريقه موجوده بالتفصيل في الآيه دي:

(وَأَصْبِرْ نَفْسَكَ مَعَ الَّذِينَ يَدْعُونَ رَبَّهُمْ بِالْغَدَاةِ وَالْعَشِيِّ يُرِيدُونَ
وَجْهَهُ ۗ وَلَا تَعْدُ عَيْنَاكَ عَنْهُمْ تُرِيدُ زِينَةَ الْحَيَاةِ الدُّنْيَا ۗ وَلَا تَطْعَمَنْ
أَغْفَلْنَا قَلْبَهُ عَن ذِكْرِنَا وَاتَّبَعَ هَوَاهُ وَكَانَ أَمْرُهُ فُرُطًا)

اصبر نفسك .. مع الذين يدعون ربهم:

رابط بصبر .. في إختيار (الصحبه وعلاقاتك) يكونوا

متفقين معاك إن المركزية (الله) ..

مبادئكم واحدة ومعاييركم واحده ..

ربنا بحكمته مطلبش منك عباده تقفل على نفسك لوحدك

وتعبد لحد ما تموت !

لُب الإختبار في الدنيا هو بوجود الآخر ..

وتأثير الجماعه والصحبه والآخر في حياتك عميق جداً

سواء بالسلب أو بالإيجاب ، فده محتاج منك مجاهده وصبر في

إختيار الآخر و المناخ العام إللي متواجد فيه..

بالغداوة والعشي يريدون وجهه:

ليل ونهار .. مش معناها طول الوقت بتعبد وسايب الدنيا ،
لأ .. طول الوقت متعايش في الدنيا لكن قلبك مع الله ، بطانته
داخليه متعايش بيها ..

ولا تعد عينك عنهم تريد زينة الحياة الدنيا ..

خلي بالك .. ركز !

(أصبر نفسك) متشتت عن المنهج ده ولا عن الصحبه
والعلاقات الطيبه .. رابط على أن تكون مركزيتك دائماً الله ،
عينك على الهدف طول الوقت ،،

مش معناها إنك مش هتذنب .. طبعاً هتذنب لكن هتقدر
تراجع وتتوب .. ذنوب متغيرش ولا تحول قلبك .

ولا تطع من أغفلنا قلبه عن ذكرنا واتبع هواه وكان أمره
فرطاً :

في ناس قلوبهم غافله عن الله ومركزيتهم أهوائهم فقط ..
مصلحتي ورغباتي ومخاوي في رقم واحد ، لو تعارضت مع الحق
ومع الله هيختاروا أهواءهم .. دول أمورهم وحياتهم في ضلال
مهما كانت ظاهرها نجاح لكنها تخلوا من التوفيق والبركه ..
فضلوا الطريق ..

حاجة أخيره خلي بالك منها وإنت بتنفذ ده ..

متستكبرش على الذنب !! وتعتقد إنك أكبر بكثير منه !

(ربّ طاعة أورثت عزّاً و إستكباراً و ربّ معصية أورثت ذلاًّ

واستغفاراً)

المهم ترجع تاني وتصلّح وتغيّر المنهج إللي يساعذك مترجعش

للذنب ..

وكل ده في علاقتك مع الله ..

لكن ما يخص ظلم العباد فهو بينك وبين العباد ، متغفلهوش

ولا تستهون بيه أبداً ..

